

家

藏

蒙

筌

七

家藏蒙筌卷之六

後學王世鍾小溪氏纂輯男迪哲久瑞校訂

心腹痛

真心痛者面色黑指甲青四肢厥冷至節死證也茲云心痛者以其在心之部位而名也如橫滿連胸名肺心痛下連胃脘名胃心痛連臍各脾心痛連腰各腎心痛連少腹名大小腸痛連脇各肝心痛時疼時止嘔吐清水名蟲心痛中惡腹痛名疰痛寒邪外干名中寒痛悸心痛水停心下屬飲也思慮傷心屬傷也停食痛停水痛停痰痛胃火痛氣滯痛血瘀痛皆不死之證

也當分門施治但痛因寒者十居八九因熱者十惟一二何也
寒則凝滯凝滯則氣逆氣逆則痛而熱則流連雖亦有因燥結
熱閉作痛必有煩熱焦渴秘結淋瀝等證可見諸書多以諸痛
屬實痛無補法又謂痛隨利減通則不痛爲不易之法不知形
實病實便閉不通者乃爲相宜若形虛脈弱食少便泄者豈容
混治須知痛而脹閉者多實不脹不閉者多虛拘按者爲實可
按者爲虛痛不移者爲血痛爲定者爲氣喜冷者多實喜熱者
多虛飽則甚者多實饑則甚者多厥脈實氣粗者多實脈虛氣
少者多虛新病年壯者多實久病年衰者多虛補而不效者多
實攻而愈劇者多虛脈之弦大者痛在經脈之沉微者痛在臟

表虛而痛者陽不足也非溫經不可裏虛而痛者陰不足也非
養營不可上虛而脾傷也非補中不可下虛而脾腎敗也非溫
補命門不可不得拘泥痛無補法之例運用之法總貴因機達
變諸病之虛實辨之於脈者易惟心腹痛證則有大有小其脈
多有難辨雖滑實有力者固多實邪虛弱無神者固多虛邪此
其常也然暴病之極者每多沉伏細澁最似極虛之候不知氣
爲邪逆則脈道不行而沉伏異常此正邪實之脈然於沉伏之
中細審之必有梗梗然弦緊之意此必寒邪阻遏陽氣者多有
是脈若火邪作痛則不然也凡見此者不得因其細極微極便
認爲虛脫妄用補劑必大誤矣辨此之法但當察其形氣以見

平素之強弱問其病因以知新病久病及何所因而起大都暴
病痛急而脈忽細伏者多實邪久病痛緩而脈本微弱者爲虛
邪臨證者細維察辨自可得其梗槩矣

丹溪曰草豆蔻一味性溫能散滯氣利膈上痰若果因寒而痛
者用之如鼓應桴若濕鬱結痰成痛服之多効若因熱鬱而痛
者宜以涼藥兼之如芩連枝子之類其効尤捷東垣草豆蔻丸
治寒厥心痛大獲奇効若係久熱鬱熱已甚者諸香燥藥又斷
不可用也
丹溪曰心痛卽胃脘痛雖日數多不喫食不死若痛方止便喫
物還痛必須三五服藥後方可漸漸喫物

○痛甚者脈必伏用溫藥附子之類不可驟用參朮

○心痛用梔子并劫藥止之若又復發可用玄明粉一服立止
○脈堅實不大便者下之

景岳治一人因食麵小腹下至右角間停積堅突大如鵝卵其
痛至劇諸藥不効景岳曰麵毒非大蒜不殺氣滯非木香不行
今積在小腹右角又滯深道遠非精銳之嚮導不能達乃用火
酒磨木香令其嚼生蒜瓣而以香酒送之一服後覺痛減三四
服後漸愈乃知飲食下行由少腹下右角間而後出於廣腸也
巢氏病源曰凡腹中痛其脈當沉弱今沉反洪大者是蛇虫也
丹溪云凡治虫病服藥宜上半月虫頭向上易治下半月虫頭
向下難治

徐東臯云治虫雖有方不知其法亦不效凡欲下虫必先一日不食次早五更用油煎肉嚼之良久腹内虫聞肉香皆頭向上而欲食乃以雞蛋煎餅和藥嚼而食之須臾服老火葱頭根鬚煎湯以助藥力下行不踰時而虫俱下然後以白粥補之隨服補劑調理脾胃而疾可悉愈

凡虫痛證時作時止來去無定或嘔吐青黃綠水或吐虫面色或青或黃或白而唇則紅然痛定則能飲食者便是虫積之證速宜逐之

化滯丸

見積聚此丸内有黃連能攻熱積

備急丸

此方有乾薑能攻寒積心腹作痛如錐及脹滿逆平

暴百病中惡客忤口噤卒死皆治之

巴霜 大黃 乾薑 俱爲末各等分和勻煉蜜爲丸石白

內杵千餘下如泥丸如小豆大夜卧時溫水下一丸氣實者
加一二丸如卒病不計時服如卒死灌之如急作散用亦可

清中湯 治火痛四肢手足心熱脈來數

黃連 二錢 梔子 二錢 姜 陳皮 茯苓 各一錢 半夏 一錢

草豆蔻 七分 甘草 五分 薑水煎食前服

尤附湯 治寒厥暴痛脈微細弱

甘草 炙 一兩 白朮 四兩 附子 一兩 每用五錢薑棗水煎服

手拈散 治心脾氣痛

心腹疼痛

玄胡索研真五靈脂 草蓂 沒藥製

各等分爲末每服三錢用熱酒調下

理中湯

治陰寒腹痛嘔吐脈遲手足厥冷加附子名中湯附子理

人參

白朮土炒乾薑炒黃炙甘草 附子製

○若中脘停寒喜辛物入口卽吐卽噦加丁香或廣香胡椒生薑

良香栝榔散 治心氣痛不拘男婦小兒並用

栝榔 良薑錢一香附五分三味爲細末薑汁水調服或熱

酒調服

治心痛奇方 用燒鐵浮起白沫如枯礬樣者研極細末白湯

調服二分不愈再一服永不再發

溫脾散

治飲痰生冷菓菜停留中焦心脾冷痛

乾薑

炒

黃厚樸

煨汁

草菓

煨去

縮砂仁

炙甘草

神

曲

麥芽

陳皮

高良薑

炒

各等分

爲末

每服

三錢

沒熱

點湯

服

梅硫丸

治心氣痛服辛劑反甚改服酸劑

水梅

榔

易梅去

生硫黃

爲末

搗勻

可丸

爲度

作一丸

白湯

下立愈

蓋梅味酸

硫黃性熱

以酸熱收散寒之氣

愈痛散

治心脾氣痛

五靈脂

石

玄胡索

蓬莪朮

當歸

良薑

炒

枳榔

各等分爲末每服三錢白湯下

桃靈丹

治氣血積滯諸痛

家藏良方

卷六

心腹痛

五

桃仁一兩半生半炒 青皮 廣皮 玄胡 五靈脂各五錢去沙石

沉香 廣香二味不見火各三錢 乳香 沒藥二味瓦片煨去油各三錢

共為末 九種心忪沒醋湯下絞腸腹痛沒鹽湯下食積瘀血痛酒下

二香荔皂散 治心腹胃脘疼痛諸藥不效並治小腹疝氣劇

荔枝核五錢微焦 廣香三錢不見火另研細 大茴香五錢

牙皂燒存性以烟將盡為度另研細一錢五分 共為細末每服一二錢白湯

調下屢觸屢發者數服除根屢用神効

遇仙丹 追虫逐積消滯利痰小兒多虫者宜服

黑丑一頭末 枳榔一兩半生 三稜五錢醋炒 蓬朮五錢醋炒

牙皂燒存性另研末二錢 大黃三錢酒炒 廣香另研末二錢 共為細末每服

小兒一錢大人二三錢沙糖湯送下空心服

○按此方若加苦楝根皮一兩半以殺虫更妙苦楝皮須取東引不出土者刮去粗皮取內白皮用或以苦楝根皮熬水打米糊將前藥末爲丸桐子大每服二三錢四更沙糖湯下

兵部手集方 治心痛十年五年者隨手效用蒜以醋煮熟頓

服再不發

祛痛散 治諸般心氣痛連及胸脇或小腸吊疝及婦人血氣

刺痛此方屢用神効

青皮 五靈脂 川棟 山甲炒搗碎 檳榔 沉香挫末對服

大茴 玄胡搗碎 沒藥瓦炒去油 廣香挫末對服 良薑 砂仁姜汁水炒

烏藥散

治血氣壅滯心腹作痛

烏藥

當歸

青皮

莪朮

肉桂

二錢

桃仁

二錢

搗碎

廣香

對服

或共為細末熱酒調下

薑桂湯

治腹痛脈沉遲者屬寒痛也

乾薑

三錢

肉桂

良薑

吳萸

二錢

枳殼

二錢

陳皮

三錢

砂仁

二錢

香附

三錢

炙草

一錢

廣香

二錢

蒼朮

二錢

米

玄胡

三錢

酒炒

芍藥丸

治飲食無節或因生冷致傷脾胃凡有所觸即為腹

痛或為脹滿減食等證方見諸氣

乾漆丸

治九腫心痛腹脇積聚滯氣

脇痛

乾漆二兩搗碎炒煨烟盡研細醋煮麵糊丸如桐子大每服十五丸熱酒送下日進三服或加蒲黃五靈脂各一兩各錢亦妙

脇痛之病本屬肝胆二經以二經之脈皆循脇肋故也若忿怒脾勞傷血氣傷筋或寒邪在半表半裏之間此本經之病宜直取本經若以焦勞憂慮而致脇痛者此心肺之所傳也以飲食勞倦而致脇痛者此脾胃之所傳也以色慾內傷水道壅閉而致脇痛者此腎與膀胱之所傳也自他經而傳至本經者又當清其源也至傷風寒者脈多浮弦而數有食者脈多沉弦而伏

有火者脈多洪滑而數痿飲者脈弦滑或結促死血者脈沉而
瀉虛弱者脈弦而細數或大而無力亦當條分明析經曰左右
者陰陽之道路氣之所終始也又曰肝木氣實則脇痛夫實者
指邪氣而言邪氣盛則實是也如諸書有謂左痛屬肝位爲血
病右痛屬肺位爲氣病非也夫人左右皆有氣血不當以此爲
辨但當以有形無形辨之蓋氣病流行而無迹或突聚而突散
血病有形而不移或堅硬而拒按雖云有形之證亦皆由氣滯
而來故治此證無論是否血是積皆當以理氣爲主氣行則血自
○左脇痛則肝經受邪宜柴胡疎肝散○右脇痛爲肝經移殃
於肺宜推氣散○食積痛凡痛有一條扛起者是也宜大和飲

○脇痛多怒或脈見沉實而滴有瘀血宜桃仁紅花柴胡黃芩
大黃滑石○去滯氣必用青皮乃肝胆二經之藥○若痰飲停
伏胸脇痛宜導痰湯加白芥子○若因外感邪在少陽胆經身
發寒熱而脇痛宜小柴胡湯或河間葛根湯○若虛寒作痛者
宜用辛溫補劑加調氣藥

溪治一婦人患兩脇脹痛不思飲食知其肝脾血虛鬱怒所致
以逍遙散加川芎香附縮砂仁而愈諺云香附砂仁婦人之至
寶山藥薤白男子之佳珍其斯之謂歟
柴胡疎肝散 治脇肋疼痛寒熱往來

陳皮

醋炒

柴胡

三錢

川芎

枳殼

炒

芍藥

各一錢

甘草

錢一

香附二錢
搗碎

推氣散 治右脇痛

片薑黃 枳殼麵炒 桂心各五錢 炙甘草二錢 爲末每服二錢 湯下

大和中飲見呃逆 導痰湯見噎氣 小柴胡湯見傷寒

河間葛根湯 治寒邪在經脇下疼痛難忍

葛根 桂枝 防風各三錢 川芎二錢五分 北細辛 麻黃

芍藥 人參各二錢 炙甘草 一錢 枳殼二錢 生薑引

逍遙散古方見傷寒門

枳殼煮散 治悲哀煩惱傷肝兩脇骨痛筋脈緊腰脚重滯筋急不能舉動此藥大治脇痛